

佛說勝旛瓔珞陀羅尼經

宋西天譯經三藏朝散大夫試鴻臚少卿傳教大師施護奉詔譯

如是我聞一時佛在喜樂山頂天宮不遠仙人住處與大比丘衆千二百五十人俱復有菩薩摩訶薩文殊師利童子及賢護菩薩等十六大士皆來集會爾時世尊三昧正受觀彼天上人間而欲說法平等施與當使有情得聞法已稱讚殊勝咸令歡喜爾時大梵天王及天龍夜叉乾闥婆阿脩羅迦樓羅緊攞羅摩睺羅伽人非人等亦來集會是時大梵天王前詣佛所稽首佛足合掌恭肅而白佛言世尊一切有情造種種罪業身壞命終墮於惡趣或墮餓魔界或墮餓鬼界或墮畜生界既墮如是諸惡趣已受種種苦及彼色等輪迴亦然世尊大慈大悲無量善巧願施方

便破壞如是一切有情罪業果報使得解脫
爾時觀世音菩薩摩訶薩與無數持明天前
後圍繞亦來集會至佛所已五輪著地禮佛
雙足合掌肅恭而白佛言世尊大威德者十
力具足惟願方便施諸善巧救拔一切輪迴
有情令得出離佛言善哉善男子汝等諦聽
今爲汝等及未來世一切有情宣說最上勝
幡明王若有得聞此名能稱念者當得無量
無邊功德果報即說陀羅尼曰
怛你也合二他引迦囉迦囉枳哩枳哩俱嚕俱
嚕娑囉娑囉悉哩悉哩酥嚕嚕薩哩嚕合二
沒馱引縛路合二枳帝引縛囉嚕達哩摩合二
目契引左囉左囉僧伽引地瑟恥合二帝引婆
囉婆囉阿你迦沒馱俱引祇婆引史帝引刹
拏引刹拏引薩哩縛合二羯哩麼合二縛囉拏你

今

主

薩哩縛合二播引波你薩哩縛合二轉法引你阿
波曩野部哩合二吒部哩吒度哩合二吒度哩
二吒怛吒怛吒薩普合二吒野薩哩縛合二羯哩
麼二合縛囉拏引播引野訥哩誡合二底你薩
哩縛合二薩怛縛引喃引左娑縛訶
善男子此勝旛瓔珞陀羅尼是彼恒河沙等
諸佛同共宣說我爲汝等今復宣說善男子
此陀羅尼希有難遇譬彼如來出興於世難
得值遇此陀羅尼得值遇者倍復甚難若有
善男子善女人得聞是勝旛瓔珞陀羅尼名
字信心受持恒常讀誦者是人所有五逆重
罪悉皆滅盡得見果報獲大富貴於當來世
得生上族若復善男子善女人以此陀羅尼
殊勝功德廣宣流布爲人解說或勸人書寫
受持讀誦我即遙知乃至毗婆尸佛尸棄佛

毗舍浮佛拘留孫佛羯諾迦牟尼佛迦葉佛
如是過去恒河沙等如來應正等覺皆悉聞
知是人功德無量無邊爾時觀世音菩薩妙
吉祥菩薩賢護菩薩等及大比丘衆乃至一
切天及天人阿脩羅乾闥婆人非人等聞佛
所說皆大歡喜信受奉行

佛說勝旛瓔珞陀羅尼經

音釋

燒爾結切挽武遠切沴郎計切殄徒典切曹
蒙弄聲切羈初澗切赦乃版切懺陟孟切站加陷切